

## 90<sup>th</sup> Day Letter-In Process

Hnub Tim:

Nyob Zoo Niam Txiv:

Raws li peb cov ntaub ntawv khaws tseg, koj tus me nyuam tseem nyob rau tus txheej txheem yuav tau txhaj kom puv tas nrho cov koob tshuaj thiaj tau mus kawm ntawv hauv Wisconsin. Peb thov nqua huv kom koj hu mus teem sij hawm txhaj cov koob tshuaj thiaj coj koj tus me nyuam mus txhaj cov tshuaj kom puv kom ntseeg tau tias koj tus me nyuam tau txhaj cov tshuaj puv raws li nws lub hnub nyoog.

Kev txhaj tshuaj yog ib qho ntawm cov hauv kev zoo tshaj plaws los mus tiv thaiv peb cov me nyuam ntawm tej kev mob thiaj tej teeb meem uas yuav tshwm sim tau los ntawm cov mob no. Kev txhaj tshuaj tseem ceeb heev tshwj xeeb tshaj plaws yog rau cov me nyuam hnub nyoog kawm ntawv vim tias cov me nyuam nyob hauv tsev kawm ntawv yog cov ntsib ze nrog lwm cov tsis tu ncua uas tej zaum lawv kuj tau los yog tseem tsis tau txhaj tshuaj tiv thaiv cov mob no.

Kom ua tau raws li Wisconsin Tsab Cai Kom Txhaj Tshuaj Rau Me Nyuam Kawm Ntawv (Wisconsin Student Immunization Law), thov hu rau koj tus me nyuam tus kws kho mob es mus txhaj cov tshuaj uas yuav tau txhaj. Hais kom koj tus me nyuam tus kws kho mob siv Wisconsin Qhov Chaw Rau Npe Cov Neeg Txhaj Tshuaj (Wisconsin Immunization Registry) thiaj siv tej ntaub ntawv txhaj tshuaj uas koj muaj rau koj tus me nyuam los mus txiav txim seb cov tshuaj twg yog cov uas koj tus me nyuam yuav tau txhaj ntxiv. Yog hais tias koj tus me nyuam tsis muaj ib tus kws kho mob, thov hu rau *f* saib xyuas kev noj qab haus huv hauv koj lub zos (local health department) seb koj tus me nyuam puas mus txhaj tshuaj tau rau ntawm fab saib xyuas kev noj qab haus huv no. Koj yuav mus nrhiav tau tus xov tooj ntawm fab saib xyuas kev noj qab haus huv hauv zos nyob rau ntawm lub website no:

<https://www.dhs.wisconsin.gov/lh-depts/counties.htm>

Thov hais rau koj paub tias nyob rau lub caij nplooj ntoos zeeg ntawm xyoo kawm ntawv xyoo tom ntej no, peb yuav muab koj tus me nyuam cov ntawv txhaj tshuaj rov los txheeb xyuas dua kom paub tseeb tias tus me nyuam tau txhaj tshuaj puv raws li nws qib kawm los yog muaj ib daim ntawv zam (waiver) tsis tas txhaj tshuaj nyob hauv peb cov ntaub ntawv lawm. Yog tsis muaj ntaub ntawv txhaj tshuaj txaus rau koj tus me nyuam, tej zaum yuav tau kom nws nyob twj ywm hauv tsev es tsis txhob mus kawm ntawv.

Yog xav paub ntxiv txog cov tshuaj los yog kev txhaj tshuaj, thov mus saib lub website no: <http://www.cdc.gov/vaccines/vac-gen/default.htm>

Ua koj tsaug rau qhov koj pab peb ua kom tas nrho cov me nyuam hauv Wisconsin cov tsev kawm ntawv nyob kaj huv tsis muaj mob uas yog ib yam tiv thaiv tau los ntawm kev txhaj tshuaj.